

Dževad Drino*

**HUMAN RIGHTS EDUCATION:
STRENGTHENING THE ROLE OF UNIVERSITIES
IN THE WESTERN BALKANS**

/Edukimi me teDrejtat e Njeriut: Forcimmii Rolitite

Universitetitne Balkanin Perendimor,

Tirana/Albanija, 16-18.09.2014./

/Prikaz skupa/

Glavni grad Albanije ugostio je delegacije osam univerziteta iz država zapadnog Balkana; Albanije, Bosne i Hercegovine, Crne Gore i Srbije kod kojih se implementira Tempus projekat broj 517319 EACEA-Developing Human Right Education at the Heart of Higher Education. Ovaj projekat je donio opremu za dva kabineta na Filozofskom fakultetu u Zenici, u čemu je veliki doprinos i aktuelnog dekana prof.dr. Damira Kukića, a u toku je razmatranje projekta nabavke knjiga iz te oblasti za cijeli Univerzitet, što je inicirao i pripremio doc.dr. Nebojša Vasić. Zenički Univerzitet su predstavljali voditelj projekta Nebojša Vasić, te trio nastavnika s Pravnog fakulteta, Spahija Kozlić, Nezir Pivić i Dževad Drino, a iz Bosne i Hercegovine učestvovala je i delegacija Sarajevskog Univerziteta na čelu sa prof.dr.Ladom Sadiković. Skup je otvorila dr.sc Michele Lamb-Project Direktor, sa Univerziteta *Roehampton* u Londonu, te Saša Madacki ispred Centra za ljudska prava Univerziteta u Sarajevu, uz pozdravne govore prorektora Univerziteta u Tirani, Ombudsmena Igli Totozanija, predstavnice studenata Univerziteta u Tirani Eneide Zalli, te rektora dva najveća privatna Univerziteta u Albaniji - prof.dr. Tonina Gjuraža, Evropski Univerzitet u Tirani i prof.dr. Marenglen Spiro, rektor Univerziteta „*Marin Barleti*“.

U radnom dijelu skupa prikazan je nagrađeni dokumentarni film o ljudskim pravima autorice Olivere Komar (Univerzitet Crne Gore, Podgorica), te izlaganje mladog kolege Mirka Đukovića sa Univerziteta Donja Gorica (Crna Gora). Zapažena izlaganja su podnijeli i Vesna Knežević-Predić (Univerzitet u Beogradu), te autorica sa Učiteljskog fakulteta Jagodina Univerziteta u Kragujevcu, Ivana Ćirković-Mladinović, pa Vukašin Živaljev (Univerzitet u Novom Sadu) i Hermion Braho sa Evropskog Univerziteta u Tirani. U drugom dijelu sesije izvanredan prikaz stanja ljudskih prava u Albaniji dala je mlada kolegica Megena Kapllanaj (Univerzitet „*Marin Barletti*“), uz podnešene radove i Nenada Stevanovića (Univerzitet u Kragujevcu) i Daren Obyrnea

*Prof.dr., Pravni fakultet Univerziteta u Zenici.

(Univerzitet Roehampton). Po sveopćoj ocjeni najzapaženije izlaganje podnio je Nebojša Vasić o inovacijama u procesu edukacije o ljudskim pravima u nastavi i uspjesima mladih sa Univerziteta u Zenici-rad debatnog kluba „Gorgija“ i uspjesi ekipe Pravnog fakulteta na takmičenjima iz ljudskih prava i krivičnog prava nisu mogli proći neprimijećeno od strane i šire akademske zajednice u regiji. U neslužbenom dijelu skupa naša delegacija je, posredstvom našeg domaćina i zemljaka Rustema Kamberija, ostvarila susret i ugodan razgovor sa doajenom albanske pedagogije - prof.dr. Džemal Balla je imao svojih 57 godina pedagoškog rada, kao nastavnik, direktor i prosvjetni inspektor, a usput je odbranio i doktorat iz biokemije-rijetko zanimljiva ličnost!

Ukupno uzevši, ovaj TEMPUS projekat je okončan evaluacijom planiranog i urađenog posla,po ocjenama projekt oficira za evaluaciju dr.Michaela Leca, prezentacija Univerziteta u Zenici je dobila najviše ocjene, ali konkretne koristi-opremanje kabineta za engleski i njemački jezik, uz nabavku adekvatne stručne literature, opipljivi su rezultati ovoga projekta.